

OMUKUETU

No 11

NOVEMBER.

1956.

UPE NUUKULU.

„Kaku na ngoka ta aandeke onguwo onkulu noshiando oshiye, oshoka oshiando shatyangeyi otashi tuula onguwo, nombululu otayi ningi onene yi vule yonale.” (Mat. 9:16)

Uuyuni mbuka ouo uuyuni wevundakano. Aawambo wo otaa taamba omikalo tadhi zi kiilongo niilongo, kuumbugantu no kuumbangalantu, kuuzilo nokuuninginino. Nomikalo ndhoka tadhi vundakanithua kumue. No pamue nomikalo ndhoka dhiili no dhiili mwa holoka wo omalongo giili no giili ga fa taga kondyithathana miinima yimwe yuukriste, ngashi twe shi mono momagongalo getu. Nomalongo gatyangaka. omuntu ngele te ga taamba, tage mu pyaganeke nayi. Ke shi shi shoka e nokudhiladhila nokuninga.

Ihe unene aantu haa vundakanitha uukriste nuupagani. Uupagani wo wene uukulu aantu oyendji ya hala oku u etha. Nomikalo omipe ndhoka dhuukriste dha fa tadhi ya oopalele, no ye dhi hala. Ihe oyendji mbo taa dhiladhila ngeyi, otaa etha uupagani okombinga, no taa taamba uukriste okombinga. Otaa ningi aakriste yopamakalo. Otaa vundakanitha uukulu wuupagani nuupe wuukriste.

Meyle lyotekste yetu Yesu te tu lombuele nkene iinima iikulu kayi vulu okuvundakanithwa niinima iipe. Pakudhiladhila kwaantu oshiando oshiye sha fa tashi oopalele nawa oshiyata oshikulu wo. Ihe mokuonakona nawa oshinima shika otatu dhimbulula nga ngashi meyle taku tiwa, kutya, oshiando oshiye hashi tuula mbala onguwo onkulu. Shika otatu shi dhimbulula wo opendji. Shaa tuu oshinima sha kulupa, tapa nyengana oku shi oopaleka. Noluindji eopaleko kali noshilonga no tali vulu okueta oshiponga nokuli.

Omupagani ita ningi omukriste ngele ta taamba omikalo dhimwe dhuukriste. Okuandeka ngeyi okukala kuupagani niindo yimwe yuukriste taku etele aantu noshigwana ashihe oshiponga. Omuntu e li ngeyi okwa pyagana ashike. Ke na mpo ta kuatelele. Ke nombili. A fa okwi iteka koombinga adhihe. E li moshiponga shili. Noshwo oshigwana ashihe. Mowambo twe shi dhimbulula nawa moshinima shoka shevuliko. Muupagani wo wene evuliko hali simanekwa. Aanona naagundjuka ohaa simanekwa no haa vulika kaakuluntu. Kombinga yuukriste otatu mono nkene Ombimbeli tayi popi olwindji evuliko (Gal. 6:1; Kol. 3:20, 22; 6:5 nst.). No koshipango oshitine tu shi shi nkene okuvulika nokusimaneka aakuluntu ku neuuvaneko lya Kalunga, ihe okuaavulika taku etele omuntu noshigwana egeelo lya Kalunga sigo oluvalo olutitatu nolutine.

Muupagani omu nebuliko, no muukriste omu nebuliko. Ihe moku u vundakanitha omu noshiponga. Omu nokuavulika. Noshiponga shoka tatu shi mono maagundjuka aawambo yongashingeyi. Uupe nuukulu itau

AASADUKAYI

YA NYENGWA OKUITAALA

EYUMUKO LYAASI.

Luk. 20:27-40.

Eitaalo ohali zi mokuuva, neuuvo omoohapu dha Kalunga.

Omuntu ota ti: Itandi itaale, manga inandi mona no inandi guma niikaha yandje. Eitaalo ndyoka lya fa lya Tomas, a tindi okuitaala eyumuko lya Yesu.

Otse otatu mono peni oonkondo nomukumo okuitaala eyumuko lyaasi?

Yesu a ti: “Ongoka i itaala ndje, oye e nomwenyo gwaaluhe, oshoka ongame eyumuko nomwenyo.”

Mu Betania Marta a ti: “Omuwa, okwa nika, oshoka okwa kala mombila omasiku gane.” Yesu okwa ti kuye: “Inandi ku lombwela nani kutya, ando ui taale, andola to mono eadhimo lya Kalunga?”

Eitaalo kali shi okumona, aawe, eitaalo olyo einekelo okuinekela iitegelelwa netompo lyiinima mbyoka kaayi lwetike. Yesu a ti ku Tomas: “Omunelago oye ngoka hi itaale, manga ina mona.”

Otatu pe aasadukayi uusama, sho ya puguma omwenyo gwaaluhe, inaye gu itaala.

Ongoye owi itaala ndi shi eyumuko nomwenyo gwaaluhe?

Otashi ka monika mbalambala miilonga yoye nomelalakaneno lyoye, oshoka omwenyo itagu yelekwa na sha. Nando u kuthwe uuyuni auhe, ihe wa tseya u na omuenyo gwaaluhe, ku na ko na sha.

Uuyuni oshike? Eliko, iikolitha, esimano, oluhondelo. Oshoka owi itaala kutya: Aayamba oye na omaimbo o-

vulu okuvundakanithua. Yesu ta ti: Kaku na ngoka ta vulu okulongela aawa yaali.

Yesu te tu ithana tu mu longele, tu ethe uukulu uopanyama nomikalo adhihe dhawo nashihe shoka tashi tu kelele okumona enyanyu nombili muukriste. Yesu te tu ithana tu ninge aantu ye, Ihe itatu vulu okuninga aantu ya Yesu nokuandeka okukala kwetu okukulu nomikalo dimwe omipe. Tu nokuninga aantu aape. Tu nokuvalululwa. Tse yene itatu vulu ku shi ninga. Yesu te shi ningi ngele ta dhimi po oondjo dhetu, no te tu pe omuenyo omupe nehale epe nomikalo omipe.

Jalmari Marttunen.

kumona omwenyo. Oonkolwi itaa yi mo. Kondje okwe edhililwa oombwa naahondeli naakangi yuuzigo naasimaneke yiimenka.

Otu hoole omwenyo, Tala, nkene hatu zimine okutandwa. Wa sithwa manga. Omwenyo ndi shi tatu kondje.

Nangoye wa nyengwa okuitaala eyumuko, oshoka ino iholola, to kondjele omwenyo noto kambadhala u imangulula miimangitho yomuuyuni.

Petrus a ti: “Opuuwanawa mpaka okukala”, sho kwa mono Moses na Elia pamwe na Yesu. Na Yesu okwa lombwele yamwe yomaalongwa ye, a ti: “Nane itamu yi?” Oya yamukula ya ti: “Omuwa, otatu yi peni, oshoka ongoye u na omwenyo gwaaluhe.” Omutumbuli nguka okwi iholola, okwi itaala eyumuko nomwenyo gwaaluhe.


Tala 1 Joh. 3:2: “Aaholike, ngashingeyi otse aana ya Kalunga, ihe inashi holoka natango, tatu ka kaleni twa tya ngiini. Otse otu shi shi, oye nge ta holoka, otatu ka ningeni twe mu fa, oshoka otse otatu ke mu mona, ngashika e li.”

Tala Heb. 11:16: “The nena taa lalakanene oshiwana shi vule shiyaka, oshomegulu. Onkee ano Kalunga ite ya sohoni, aawe, ota pitika okuithanwa Kalunga kawo; oshoka okwe ya tungile oshilando.”

Tala Ehol. 22:2: “Mokati komapandaanda gasho nohandika nohandiyaka yomulonga kwa kala ku nomuti gwomwenyo, hagu iimi lwomulongo nolwaali, nokugandja kehe tuu omwedhi iiyimati yagwo; niifo yomuti nguka oyo oyokuaaludha aantu.”

Omuitaali ke na we ekwatakwato. Komeho gaayihe ota lalakanene omwenyo. Onkee ha tila oondjo, he dhi hempulula noha kongo edhimopo lyadhho, opo a wape okuya moshilando sha Kalunga, ta piti mosheelo, a yogo oonguwo dhe nokwe dhi yelitha ombinzi yOnzigona.

Paulus Shijagaja.



November 1956.

IILONGA YOMOMAPYA.

Iilonga yokulonga omapya oya simana mOwambo. Oyo ayike nokuli ya li ya ithanwa iilonga naale. Sigo onena omuwambo ina hala a kale kee nepya. Na mboka taa imonene ondjambi miilonga yi ili, oye na wo omapya gawo ngoka taye ga longo.

Nando ongeyi, aawambo inaa tseya natango, omapya nkene ge nokulongwa. Omikalo ndhoka hadhi dhigininwa kaalongi yomapya, odho omikulu notadhi etele aantu oluhepo. Onkene tuu aantu inaa hala okue-tha oondjigilile ndhoka oonkulu. Nando ehumokomeho ohali lalakanenwa miinima oyindji, miilonga yomomapya aantu inaa hala okuhuma komeho. Inaa hala okuhepuka.

Oshigonga oshinene oshi li mpoka, aawambo sho ihaa koleke nawa omapya gawo. Otaga longwa, ga ze iilya oyindji, ihe ihaga shuninwa sha peha lya mbyoka hayi kuthwa mo. Onkee aantu otaa mana mbala oonkondo dhomapya, sigo oye nokwetha omapya ngoka omakulu nokutembukila komakuti.

Epya otali shuninwa oonkondo ngiini? Tangotango oli nokututilwa uuhoho. Ope noluhepo olunene, ngele tau oolele mevi. Okufika po iiyagaya otaku eta omutoko, ihe kombinga onkwawo mokufika nkoka otamu kana wo iinima oyindji. Momavi gaanandunge aanamapya yamwe otaa pululile mepya iimeno iitalala. opo epya li mone oonkondo.

Omukalo gumwe ngoka tagu koleke epya, ogwo okulundulula iikunwa mbyoka tayi kunwa mo. Epya ngele li nokuvala iilya ayike kehe omumvo, otali zi oonkondo; ihe ngele tali kunwa omakunde omumvo gumwe, otali mono oonkondo oompe. Omukalo ngoka okukuna iilya nomakunde pethimbo limwe, ogwo oopala wo. Oshinima shoka hashi etele aawambo oluhepo olwindji, osho shono, iilonga yomomapya sho ihaayi dhigininwa kaanonguma ayehe. Shika osha popiwa nokuli moshifo shetu, ihe otu noku shi tumbula ishewe mpaka. Aamati oyendji oya suunye shili; ihaa kwata we etemo. Shaa tuu omumati i ilandele epya nokwa hokana, ota thigi po omufuko gwe eta yi kiilonga yilwe. Nomokugaluka kwe, nando na kale moshilongo oomwedhi odhindji, ita longo mepya. Ota vulu ngini okutegelela mo sha, ine li longa? Omukiintu ngele ta thigilwa oshimpwiyu shi thike mpoka, a kale nasho oye awike, ite shi vulu.

Yamwe otaa yematele omapya omashona. Ihe - nando shi kale oshikumitha - omapya omaene oge nokuyematelwa wo. Epya ngele li li po enene, li vule oonkondo dhaamboka taye li longo, nena otali etele ooyene yalyo oluhepo. Ku Union okwa kala omulu udhe ngoka a li e nepya enene, inaali

ETSEYITHILO.

Omanongelo ngoka taga ka taamba aanongekwa aape omvo 1957, ogo ngaka:

1) Omanongelo agehe gaanona:

Kehe gumwe a gwanitha omimvo heyaali, ota taambelwa mo.

2) Omanongelo gaakadhona (Meisieskole):

Oshigambo, momvo gwotango na momvo omutitatu.

Elim, " " na " "

Engela, " " na " "

Ukwaludhi, " " na " "

Otananga, Momvo gwotango

Niimwandi, " " " "

Ondobe, " " " "

Omundaungilo, " " " "

3) Omanongelo gaamati (Jongenskole):

Ongwediva, momvo omutitatu amuke.

Engela, momvo guotango na momvo omutitatu.

Oniipa, momvo gwotango.

Ombalantu, " " " "

Eenana, " " " "

4) Ooseminaari (Opleidingskole):

Ongwediva, momvo gwotango.

Ongandjera, " " " "

Oshigambo, mongundu yetsikilo yaalongikadhona; aanongekwa taa hogololwa keletonongelo pamwe nepangelongerki.

NDHINDHILIKA!

Momanongelo gaakadhona nogaamati aape naa holoke ye na

a) ombapila yegongalo, moka mwa tumbulwa wo, omuntu nkene e li niikolitha ayihe; b) onzapo yenongelo lyaanona St.II nenge St.III; (onguka a hulile mu St.I omolwa shoka ina mona ompito yokukala mu St.II nenge St.III, ihe e nehala okuya menongelo lyaakadhona nenge lyaamati, na pewe ombapila ya nyolua komulongi gwe); c) epopilo lyomusitagongalo nolyomunongeki gwe.

Moseminaari tamu pulwa ndhika: a) Ombapila yegongalo, moka mwa tumbulwa wo omuntu nkene e li niikolitha ayihe; b) onzapo yenongelo lyaakadhona nenge lyaamati yomvo omutitatu; c) epopilo lyomusitagongalo nolyomunongeki gwe nolyomutaleli; d) ombapila yokuhokolola ukolele wolutu lwe, ya nyolwa komupangi; e) eindilo lyetaambo; f) ehokololo lyokukalamwenyo kwe.

Ano Omuwa nge e shi hala, omanongelo agehe otaga ka tameka iilonga yago eti 29 lya Januari 1957.

„Aawambo ne aagundjuka, Onguka te mu ithana,

Oye okuume keni! Ongele tamu mu uvu ko,

Ote mu pe eyambeko, Ne yene nevi lyeni.“

Sylvi Kyllonen

Hoofopsigster,

Finse Sending,

Owamboland.

vala nawa. Oye sho kwa indile ekwatho kaapangeli, oyo oya kutha etata lypya ndyoka noya thigile omuntu ngoka etata alike. Omuntu ngoka okwa gee, ihe okwa kambadhala ngaa okulonga okapya ke e ka thigilwa. Pethimbo lyeteyo oye okwa teya mo iilya oyindji, yi vule mbiyaka kwa li e yi mono naale mepya lye enene! Omolwa shike? Omolwa shoka epya ndiyaka enene

olya li lye mu nyenge, manga etata ndyoka okwe li longo nuudhiginini noondunge.

Aawambo aahoolike! Sho hamu humu komeho miinima iikwawo, inamu kala konima moshinima shika oshinene shokuikongela iipalutha. Taambeni shili oondunge oompe tadhi mu kwatha okukandula po oluhepo lwokolutu!

OSHIKOLOLO SHOMEGUMBO

LEENA A TAMEKE OKUFALA OONTE.

Moshilongo shontumba esiku limue omvula ja loko omasiku ogendji. Opuu li esiku limue inaaku lokua.

Aantu jomegumbo ljomusitagongalo oja gongala koshililo okulja omuiha. Aana jegumbo oja igilila okumatuka pondje nokudana nokulonga iinima ji ili noji ili, ihe nena ajehe oje li po je necimbi nomiipala jauo uo, oja vulua te ti okukala mondjugo ecimbo ele. Unene omukadona Leena. Oje omunaskola e li moskola jokagumbo. Leena oku li pefudo ljuskola. Oje a ngungutula unene nokua ti: „Onda vulua shili. Aakadona aakuetu otaa njolele ndje aluhe no taa hokolola ndje nkene taa ende miilongo notaa mono aantu notaa njanjukua. Ihe ngame, otandi pangalua aluheluhe ndi nokukala megumbo onda vulua shili.”

Oojakuauo oja pulakene ejemato lje ihe oja muena. Omuene guegumbo kua fa a dimbulukua sha. Okua ti: „Leena to ti ngiini? Onda hala u cikame na ngame, tu ka talele po aakuanegongalo jamue ngashingeji. Otandi pumbua ekuaco ljoje kashona.”

Leena okua ti: „Ndi ku kuace ngiini andola?”

Omusita: „U ka indile njoko ne ku pe iikulja noshinjanju shimue tashi uapa okuninga olakana mombete jomuselekadi Karolina. Na kehe gumue muaamboka ota njanjukua ngele to ja imbile.”

Leena okua dimbua mbalambala ejemato lje nokua ti: „Jaloo, tu jeni ano, otandi ilongekida nzijanzija.”

Moshilongo shijaka aantu ohaa ende nuutemba tau hilua kuukambe. Okakambe sho ka mangua, omusita na Leena oja londo mkatamba no ja ji. Noje ende etaa ende sigo ja ciki kokagumbo ka Karolina. Oje mu aada a kuutumba ta tungu uukausino. Okua li a nanga unene. Olutu lue lua jonuka po nale, oje ina uapa okulonga iilonga iikuauo, okutunga uukausino auke. Omusitagongalo okua li e mu shi nale, nokua njanjukua aluhe sho kue mu mono, shoka Karolina oje omukriste guashili. Aantu ojendji oja kumagidua kuje nuunona uo ua longua kuje okulesha. Oje omunambielele naantu ajehe.

Karolina okua njanjukua sho kua mono aajenda nokue ja kundu. Nokua pandulile omusita iimaliua e ji peua, e ji tuminua.

Omusita a ti: „Aue, ino pandula ndje, aanaskola jandje aakolekua oje ku kuaca.”

Ihe Karolina a ti: „Eeno, osho nde shi uvu, Kalunga ne ja jambeke, sho ja dimbulukua ndje. Ihe ngoje ue ja lombuele je shi ninge.”

Ihe omusita okua dimbulukua Leena nguka nejemato lje, nokua tameke okupula Karolina nokua ti: „Ecimbo ljoje tali ningi mbela ele unene, oshoka ngoje u nokukala aluhe mombete joje, ngele to lala nenge to kuutumba. Jajee, to vulua shili, Karolina.”

Karolina i imemeha nokuli sho kua jamukula nokua ti: „Aaue, ecimbo ljangje kali shi ele nando okuli, otali endebele.

longwa evuliko lyashili okuvulika ku Kalunga-ngashika Abraham- nkene ku nondjambi onene. Neyele lyomukiintu otali tu hololele shoka tashi nyanyudha aakwanegulu, kutya ehupitho lyomulunde i itedhulula.

shoka ondi niilonga ojindji kehe esiku. Tangotango ndi nokulonga ndi peue iipaluca jandje jokolutu nojokomuenjo. Uunona otau holoka isheue pungame, no sho nda zimbuka nauo etango otali toko. Mosondaha amuke ondi li po ndu uvite ezaza, sho tandi mono aantu taa ji mongerki ihe nena kali po ue sho nda tameke ongame muene okuninga omambo, ondi na oosondaha doopala mokagumbo kandje.”

Omusita a kumua: „To ningi omambo - ongiini?”

Karolina okua hokolola. „Onda mono nkene aanona oje endaenda mondjila mosondaha komatango, nonda tameke oku ja icana. Sho je ja onde ja leshele otekste notua galikana notua imbi.”

Omusita okue mu pandula. Leena okua muena sigo mpaka nokue mu pula a ti: „Ihe sho u li po to aalukua ito uapa okuenda molu oshiponga shoje u uvite tuu mbela uudigu?”

Karolina a ti: „Eeno, nalenale onda li handi u uvu oluindji. Ihe oshinima shino sha lunduluka sho ndi igandja miikaha ja Kalunga. Ngashingeji ondi nombili ja Kalunga momuenjo guandje notandi dimbulula kehe esiku ekuaco lja Kalunga. Esiku limue ohandi kala tandi ehama unene ihe uuehame uandje muujuni muka otau pu po mbala.

Osho tuu oja kundacana. Leena okua gandja shoka e mu etele, nokue mu imbile. Karolina a njanjukua unene nokue ja pandula. Aajenda oja cikama no ja ji.

Omusita na Leena oja tsikile ondjila jauo. Ja ka talela po omumati gumue a mona oshiponga oshinene nale. Okua guile pevi sho a kauila okakambe. Aakuluntu je aaheci inaje mu fala mbalambala monasaresa okupangua. Onke tuu sho a ningi ecimbo ele ngaaka inaa mona ekuaco nena okua lala mombete ina uapa okuinjenga nando kashona. Omutse gue aguke okue gu injengica, opuu. Okua lala ngaaka nokuli oomvula mbali. Omumati e shi okulesha. He okue mu ningila okapilangi okutenteka po okambo ke a vulu okulesha manga ta lala. Ihe omumati, shoka oje muene ina uapa okujanuna iifo jokambo, okua li e nokutegelela aluhe omuntu te ji mu janunine. Oluindji aantu sho ja li taa longo mepja omumati okua sondjala no ta senota sigo je ja no je mu pe oompumbue de.

Omusita okua kundacana na Petrus, na Leena okue mu imbile omaimbilo gaali oshoka okua li e mu uvitile ohenda. Sho je mu laleke noja cikama, Leena okua shuna isheue nokua pula omumati: „Petrus, to pumbua tuu okadila taka kala mondjugo muka u ka tale nomeho notake ku imbile aluhe sho to lala.

Petrus a njanjukua, a ti: „Eeno, onde ka pumbua, ihe otii ka aada peni?”

Leena a ti: „Ongame ndi na kamue okauanaua to ka peua ngele njoko ta zimine oku ka paluca. Otandi ka tumu niikulja jako.

Jina ja Petrus okua zimine, na Petrus okua pandula nenjanju enene. Sho ja ji, omusita okua pandula uo Leena sho kua li e shi shi Leena a gandja okadila ke nando oje muene okue ka hokua unene.

Omusita na Leena oja tsikile ondjila jauo. Mokuenda kuauo, oja mono ondjugo onene ja jonuka po naji. Leena okua pula: „To ji ko tuu?”

Omusita a ti: „Eeno, ihe ngele to tila

okuja ko, inda kaandja mulongi livari, opo tandi ku iile ko.”

Ihe Leena ina tila okuja ko, okua landula omusita. Sho je ja ko, Leena okua haluka shili, shoka ina mona nale oluhepo olunene ngashika e lu mono mondjugo muka. Oja li ju uda iikolokolo ja jonuka po kaaji noshilonga ue najo. Aajenda inaa mona eha okukuutumba, oshoka oshipundi sha li shi nomagulu gaali ageke. Ekende lja sa no lja siikilua niinjanju.

Omuene guegumbo okua lala montala je. Okua li kee nomuzalo. Okui isiikila nekumbjaca lje lja kulupa. Oje auikelela okua li mo nota alukua. Sho ja kundacana, omusita okue mu pula olje te mu jakula.

Omusamane a ti: „Ondi ikuaca ngame muene, ihe ngashingeji sho nda kuatua kuunkundi, omukulukadi omushiinda ote ja ta jakula ndje ngashingeji. Ihe oje e nuunona ue niilonga je iikuauo, ita mono ecimbo okujakula ndje naua.”

„Ua mono iikulja nena?”

„Aue, omboloto jandje oja kukuta, otaji kuata ndje pocingo. - Kuaca ndje omeja ndi nue.”

Omusita okue mu pe omeja okunua, nokua lombuele Leena na je a ka indile omushiinda e mu kuace omahini niikulja iikuauo. Leena okua ji. Manga je mu tegelele omusita okua tema omulilo nokua tamera okukundacana nomusamane.

Omusamane okua egulula omuenjo gue komusita gue. Okue mu hokolola oluhepo lue nkene lua tamera. Nale omujamba, nena ohepele, kee niikulja, kee nomukuauo, kee netegelelo ljomuenjo gualuhe. **”IIKOLICA. IIKOLICA. IIKOLICA JA JONA PO OLUTU LUANDJE, JA MANA PO UJAMBA UANDJE MUJUNI MUKA NO MUUKUALUHE.”** Omusamane okua tila nokua kakama.

Omusita okue mu hokolola nkene Kalunga ota silohenda mboka taa itedulula nokua galikana na je. Leena a galuka, nokue eta omahini niikulja iikuauo. Omusamane okua li nokue ja pandula. Aajenda oja cikama noja ji.

Ongulohi aantu sho ja hungila, omusita okua pandulile Leena ekuaco lje. Ihe Leena okua ti: „Ongame muene ndi nokupandula oshoka nda mono ompito okuenda pamue nomusita.”

Omusita okue mu pula: „Nena oto ti ngiini, Leena, sho ua mono aantu oje na uudigu uashili muujuni muka?”

Leena sho a jamukula, omahodi ga tondoka momeho ge, nokua ti. Otandi silohoni shili ejemato ljangje. Onde li popja omolu uuinaji uandje. Omeho gandje ga pashuka nena. Ngashingeji otandi mono uuanaua auhe Kalunga a ningile ndje. Oje okua kuaca ndje aakuluntu jandje aaholike, nolutu luandje lua kola n.sh.t. Otandi mu hambelele shili. No ngele tandi pukicua isheue kokujemata, nena otandi ji isheue ndi talele po aavu nohepele.

Omusita okua ti: „Eeno, osho oopala ihe ha shono ashike ihe mesiku ndjoka u uvite omunelago noua njanjukilua uuanaua ua Kalunga, inda ko u ka faalele oonte duujelele kaantu je nuudigu.

Ekumagido ndika Leena okue li pungula momuenjo gue nokua vulika kuljo. Sho a hulica oskola je oje a hokanua. Omulumentu gue a ningi omusitagongalo. Leena okua li he ende puamue naje a talele po aavu nohepele.

Oshikololo shaagundjuka.



„OMILONGOMUGOJI NA OONZ' OMUGOYI.”

Okwa li ku na omulumentu gumwe, edhina lye Iro D. SANKEY. Oye omuamerika. A pewa oshilonga she okumbila aantu evangeli. Okwi itedhulula manga omugundjuka. Sho a gwanitha oomvula 30 a tsakaneka omuevangeli D. L. Moody, ngoka Kalunga e mu ithanene naale oshilonga oshiyapuki okuuvithila aantu evangeli. Mbano jaali Moody na Sankey, ja ningi ookumelela noya tameke okuenda pamwe. Mu Amerika no mu Engeland mwa ningilwa iigongi inene moka mwa gongalele aantu omayovi ye ya okupulakena oohapu dha Kalunga. Moody a uvitha na Sankey a imbi. Miigongi mbiyaka Kalunga a longitha shili aalumentu mbano. Aapulakeni oyendji ya taambithwa esilohenda lya Kalunga miigongi tuu mbiyaka.

Omaimbilo ngoka Sankey a li e ga imbi, oga gongelelwa membo limwe, edhina lya-lyo: „Omaimbilo kokupandula Onziona.” Sankey mwene a nyola wo embo limwe li nedhina „Ohistori yomwenyo gwandje noyomaimbilo gevangeli.” Membo ndyo oye ta hokolola ta ti:

„Omumvo 1874 mwa monika okatewo omilongomugoyi na oonz' omugoyi” noka totelwa ewi. Eimbilo lya tuminwa oshilonga oshinene shetumo. Okumonika kwokatewo haka okwa fa nga owala, ihe ongame tandi inekele Kalunga e shi uuthe no e shi wilike. Moody na ngame otwa li mu Engeland, moshilando sha Glasgow. Twa aadhika tatu londo meshina. Mu Glasgow mwa ningilwa oshigongi no twa yi tatu uuka koshilando oshikwawo tu ningile ko oshigongi no hu-yaka, oshoka aasita yoshilando shiyaka ye tu ithana. - Onda aadhika ndi ilandele oshifo shimwe. Meshina nda tameke oku shi lesa opo ndi uve oonkundana dha Amerika, ihe hasho. Nda ekelahi nokuli oshifo, ihe manga inatu londoloka nde shi toola ishewe, opo ihe nda tsu omeho gandje mokoronera yimwe moka mwa li okatewo. Nde ka lesa

nga nawa nonda dhiladhila kutya oko okawanawa koshilonga shevangeli shaa tuu ka totelwe ewi. Nde ka ulukile Moody noye a pula ndi ke mu leshele nosho nda ningi wo. Moody a fa ine shi pulakena, ihe onda tuula mo okatewo moshifo no nde ka pungula mompunda yandje.

Esiku lya landula oshigongi sha tameke, notekste yaauuvithi ya li: „Omusita omuwanawa.” Aauuvithi sho ya mana, Moody e ya kungame e ta pula: Ou na eimbilo tali oopalele okathimbo haka? Nda li inandi dhimbulukwa uunene sha na inandi tseya shoka nda li ndi noku shi ninga. Ihe meni lyandje ndu uvu ewi tali ti: Imba okatewo hoka we ka mono meshina. Tango nda tindi nokudhiladhila, itashi vulika, oshoka ka li inaka totelwa ewi. Ihe ishewe ondu uvite ondi na okuimba iitya tuu mbyoka nde yi mono esiku lya tetekele, Oshitendelwa shoshifo nde shi tula kokahumba komeho gandje. Omwenyo gwandje nde gu yelutha megalikano nokuindila Kalunga a kwathe ndje okuimba eimbilo aantu ye li uuve no ye li uviteko. Iikaha yandje nde yi tula kokahumba nonda tameke okuhika nokuimba:

Omilongomugoyi na oonz' omugoyi Odo do da kala po, Sho jimue jomoshigunda sho Ja puka, ja kana mo. Kokulekule ja pukile : : Komusita ngo guajo omuholike : :

„Omilongomugoyi nomugoyi u na Kadi guanene do?” Omusita a jamukula nga: „Ojimue ja kana po. Nda hala ndi konge onzi ndjo, : : Ondjila ndjo nand' odigu uo.” : :

Omilonga a kond' Omusita ngo. Sho a kongo kanzi nko. Navulua kue ka mono nga, konjala oka sa. Onkugo jako oju uvika : : Okanzi omusita a hupica : :

„Shike 'pola ndi ljokondundu ndji Olja tiliganena?” - „Kombinzi ndjo jOmukulili Ja ndondele pevi mpa.” - „Iishaho mbjo jomiikaha je?” : : „Okanzi ke oje a kondjele.” : :

Ekandanga otali uvika Sigo ome-gulu mui, Oshoka onzi ja monika. Ondjoka ja kanena. Aajengeli uo taa ligola : : „Omupogoli nguka i itedulula.” : :

Manga tandi imbi nda pewa ewi ndyoka eimbilo li li na no nena, inandi lundulula sha. Mokupulakena aantu ya pangelwa kemweno enene nomifudho dha fa inadhi uvika. Eimbilo sho lya hulu opo ya fudh' olule. Ondu uvite eimbilo lyandje lya guma shili oomwenyo dhaantu.

Omwenyo gwa Moody ogwa nengena. A zi ko kehala jaaauvithi e te ya kungame. A gama kokahumba nokutala okambapila hoka ka li kokahumba, e nomahodhi momeho ge e ta pula: „Sankey, eimbilo ndika we li pewa peni? Sigo nena inandi uuva sha sha fa shika.”

Nokulila nda thikama e tandi yamukula: „Moody, olyo tuu eimbilo ndiyaka nde li ku leshele meshina, ihe ngoye ino li pulakena.” Moody a yelutha iikaha ye nokwa tumbula Eyambeko lyOmuwa. Oshigongi no sha hulu po ihe. Osho ngeyi „Omilongomugoyi noonz' omugoyi” lya totwa.

Konima nda mono ontumwafo ya zi komuntu gumwe a li moshigongi tuu shiya. A pandula ndje, sho nda imbi okatewo ka totwa komuwayina gwe a man' oondjenda dhe naale. Nde mu nyolele ishewe no ndu uvu edhina lyomutoti olyo Elisabeth C. Clephane. Oye a vaelwa mu Engeland, moshilando sha Edinburg, omumvo 1830. Omuwayina okwe mu hokolola ta ti: „Elisabeth a li e hoole omambo. A tila okumonika kaantu. A silwa ohe na yina manga a li okanona. Sho a koka, a ndhindhilikwa omunamagano e vule aakwawo. Oye omutango gwomongundu ye menongelo, naalangi ye mu hokwa. E hoole uutewo. Mokati kaavu a lukwa: Onte yetango. - „Omilongomugoyi noonz' omugoyi” e ka totele okuumwe ke ngoka e ka tumine koshifo shimwe shaanona, moka ka kuthilwa nomiifo iikwawo, ihe inaka ndhindhilikwa unene. Elisabeth a mana oondjenda dhe omumvo 1869.”

Osho ngeyi Sankey a hokolola. Ehokololo lye nde li mono membo lya nyolwa ku Aarni Voipio, edhina lya lyo „Ekwelengo ekwagulu.”

A. H.

ETSEJITHILO.

Moshifo shomu Augustus mua li mu nepulo: „Na mbika u yi shi,” na ngashingeyi pua holoka omayamukulo ogendji ge ya hukutse. Mpaka tatu eta omayamukulo guuka. Ano:

No. 1, oonkundathana dha Goljat na David, dha shangwa membo 1 Samuel 17.43b, 44b, 45b.

No. 2, oonkundathana dha Isak na Abraham mondjila yoku Moria; dha shangwa membo 1 Mose 22:7, 8.

No. 3, etumbulo lyomukiintu a li a mono oshimaliua she sha li sha kana; a popiwa meyele kOmuwa Jesus. Lya shangwa mu Luk. 15:6.

Moondkundathana dhotango tatu longwa nkene ngoka i inekela Kalunga ita siithwa ohoni. Moondkundathana dha Isak nahe tatu

OKA ANDJETU



nOndobe

Olavi Erastus a si 7. 1. 56
 Albertina David a si 30. 1. 56
 oel Uapota a si 11. 1. 56
 Mikael Arona a si 2. 4. 56
 Celaudia Elia a si 25. 3. 56
 Ilima Mikael a si 5. 4. 56
 Faimi Ndatalela ja Immanuela a si 4
 4. 56
 Emilia Tevakuata a si 11. 3. 56
 Epafraditus ja Viktor a si 21. 4. 56
 Johannes Ngipula a si 23. 4. 56
 Letulumuko ja Hianame a si 8. 6. 56
 Ndamonoñenda Siueda a si 3. 5. 56
 Sondjasili Johannes a si 6. 7. 56
 Ndapeua Namadi a si 6. 7. 56
 Noa ja Sikuilapi a si 17. 7. 56
 Maritt ja Hakuna a si 6. 7. 56

OUAMBO TAU HUMU.

Mesiku 22 Auguste 1956 aakuaniihua ajehe nomalengapangeli (Senior Headmen) gomOuambo oja gongala momuandi gu li piigadi ja Ndangua pamue nomupangeli gualuude (Native Commissioner) gua Ndangua nomupangelikuaci (Assistant Native Commissioner) gua Shikango. Komeho goshigongi kua kala iipundi itatu. Shopokati okua katumba omukuaniihua gua Ndonga, koluljo kua katumba omukuaniihua gua Uu-kualuudi nokolumoho ogua Ngandjela. Omalenga ga kuutumba koombanga nokiipundi ge li oongundu hejali pamuaalu guilongo jOuambo. Ookomufala ja kuutumba ja taalela oshigongi poshitafala oshinene.

Omusita Pinehas Kambonde okua ningi egalikano. Pua imbua „Tatu imbile Omuaa.“ Sho tua kuatacana mokuiimba pamue, omusita e tu leshele: „Ngele tamu kala mungame, noohapu dandje tadi kala mune. indileni shaa shoka mue shi hala, notamu shi peua.“ Joh. 15:7. Okua galikana. naatuhe osho tua zimine.

Ouambo ajihe ja kala omutumba kobi jiiitaji jomuandi omunene, e taji kundacana ihe, e taji popi. Inandi hala okueta manga onkundacana doka. - Oshigongi shika osho shotango shaapangeli ajehe jOuambo okugongala pamue taa popi uudigu, taa popi enjanju ljomiihanga, taa tsejacana no taa ilongo okuinekelacana nokupopja ngeji neui limue koholomente. Sho nda kala te njola onkundacana domoshigongi onda luku nokuli oshigongi shika „Eui ljuambo.“ Ngiika

EDHIMBULUKITHO.

Omolwaaleshi yetu, unene omolwaamboka kaye shi we aagundjuka, otwa hala okuendulula omafatululo gomukalo omupe okunyola oshindonga.

TH nenge th otadhi leshwa ngashi C nenge c dha leshwa naale.

DH nenge dh otadhi leshwa ngashi D nenge d, ngele dha holoka miitya yoshiwambo.

Y nenge y otayi leshwa ngashi j.

W nenge w otayi holoka pomaha gamwe, mpoka pwa ynolwa naale U nenge u.

Kotokeni ano, mwaa kambadhale okutumbula th ngashi t. Kape nefathano!

Kotokeni wo, mwaa tumbule w ngashi v. Ogo omawi gi ili!

Aanyoli! Inamu nyola w shaampoka. W kayi na mpoka tayi holoka pehulilo lyokatumbulo nenge lyokantoko. Ano otatu nyola natango: eu, eulumo, uuehame, uunima auhe, uuyuni tau hulu. Opo apeke, u ngele tayi holoka petameko lyokatumbulo nenge meni lyako notayi landulwa kewi lilwe, u oyi nokushituka w. Onkee ohatu nyola: ewi, owala, omawawa, twe u pumbwa, uuwa wa tungwa nawa. Ndhindhika: "ewi" na "evi" oyo iinima yi ilielela!

Ando otseni atuheni, aakuluntu naagundjuka, tu idheuleni nawa, sigo tatu igilile omukalo nguka omupe, ngashi twi igilila ndhiyaka dhonaale wo.

pu na ngoka te tu kongele edina euanaua li vule po. - Okuza mpoka pua uvacanua oshigongi sha tja ngaaka shi ningue lumue omumvo kehe. Shotango sha ningua mOndonga, oshikuauo tashi ka ningua isheue koshilongo shimue po shOuambo, nOuambo ajihe taji gongala ko.

Oshigongi, osha hulicua uo negalikano neimbilo. Konima jasho aajenda ja pakelua po kOndangua nokOkaloko.

Ohole jevi ljoomeme ojo omaganoo ga Kalunga onke tseni aauambo natu ji indileni ku Kalunga omunamapangelo agehe, a humice Ouambo komeho.

Amushanga, Ondonga.
 (Medina ljuomukuaniihua
 E. J. K. Namene.)

OMUKUANIILUA A KA FUDA.

Omukuaniihua E. J. K. Namene, okua cikama a je kefudo kUushimba momandaha 17. Sept. 1956. Sho pua hokololua uudigu niiponga ji ili noji ili taji ja moshilongo, omukuaniihua onde mu wvu ta ti: Otandi ka fuda muuikie opooha defuta, otandi ka peua nkoka oonkondo oompe okomushiti. Nongele tandi galukile kegumbo otandi ka longa nuupu nuuladi ue, opo ndi tude mo iinima mbika taji etele oshilongo shandje uudigu." -

Omukuaniihua okua galuka esiku eti 16. lja Oktober nokua shuna ko isheue eti 26 Oktober.

Amushanga, Ondonga.

OMUMVO

gwanitha mokukala kwawo. Kalunga ina hala, ukriste wetu u kale owala womiituthi. Onkee oye ote tu longo oku mu longela meifupiko nomuudhiginini omasiku agehe.

Osondaha ya hugunina momumvo gwoongerki oyo ondaha yepangulo. Oyo otayi tu dhimbulukitha esiku lya hugunina. Okufu nkoka iilya ayihe tayi ka pungulwa miigandhi ya Kalunga netutu otali ekelwahi momulilo ihaagu dhimi po.

E.L. & E.J.P.

EPUMBUAFANO.

Mu Augustus omufitaongalo uoñumba uomOuambo okua shangela omusamane P. Schulte, Walvisbaai, omukanda nokue mu indila ekuafu, a shive ongalo movamati ovo ve li melelo laje, va kuafe etungo loñumba mOuambo. Ohatu paka apa omatumbulo amue omenjamukulo lomusamane Schulte:

„Epulo loje nande okua li liua no la hafifa nge no nde li fikifa diva movamati vange, nokua li ndi sii, elaka eli otali udika diva, lo li njamukulue ngeno pamukalo ueeñumbue da kula, akutu, paife ova njamukula asike nomahaulapa nova paka nge melengua.

Nande osii unene, puamue efifohoni letu mosinima esi otali mu pasukifa, nje mu dimbulukue okukala kuetu, esi ku li movamati veni. Fje otu liudite, hanga tu fje osiungungu molu edimba lounjuni, neongalo oli li po la utama molu ovakriste vahapu, inava siiva eeñumbue domuñu e he fi kau-me kavo, vo ihava ongala vali nokuli, eeñunge davu da puila meliko, tava mane eeñongo davu momalutaima nokukonga eliko mu kese simue nde ha mu Kristus vali.

Poima opo ope li, ngasi tapa ti: „Ondjaba imue ihai tuimike ondui.“ Na: „Ou muva iha mane, ngeno ondjaba i nefungu.“

Hano mepumbuaafano, omusamane, oluhepo letu lokupumbua ekuafu leni, oli dule unene leni, eli mua ehela ku fje.

Inamu tu dimbua, inamu tu hupula! Ileni nje vene kOmbaje, mu tu talele po, nje mu pendule ovañu moudimbuañu uavo. Kundilueni po mohoolo jOmukulili,
 P. Schulte.

Enjamukulo eli ihali ti, inaku dja ekuafu la sha. Ongalo javo oja tumua nga ndele ja tumbulua nepandulo keongalo olo loñumba.

E. J. P.

Omuevangeliste JOSAFAT KUSTAA ta kundu aakuanegongalo.
 Omakundo ge ogo ngano: Iil. 4: 18-22.
 2Joh. 1: 7-11. 1Petr. 5: 5-9.

SHITLANGU.

omuna guokombanda

Lja njolua
ku
Andre de Clerc
na
Eduardo Mondlane

Lja lundulua
ku
Hosea Namupala,

Etsikilo.

- Musamusa, Musamusa! - Osho omulupe i igida.

- Meme, Meme! - meme a jamukula.

- Meme okua pula nokua ti: - Oshike? - Okua zi mondjugo je nokue ja pu jetu.

Okua longekidile ndje oofukua noshikuiila sha telekelua oombundufukua noshouo omitse ntano domapungu oshoka eindilo ljomuana na jinamuenu olje mu kuata. Shika enjanju ljangje. Manga meme ta longekida shika, kuku okua li ta longekida ehala ljetu ljokulala. Oombiga noosindo diiti oda li da halakana koombinga noombinga, iijagaja oje ekeluahi pelugo. Onkee ano kuku okua mono ompito okunjenjeta: - aakiintu aagundjuka ihaa guanica iilonga jauo. -

Mpoka meme okua jamukula nuupe-nda.

- Meme, oto pe ndje uusama omolu uuheci. Oua tega ndi pungule oombiga niikangua peni? Katu na ondanda juupungulo jo opala, katu na oskopa nenge oshiti shokutenteka oombiga nenge ootuu ontungua onene. Otua kala megumbo ljimbuajela. Na....-

Sho a ti ngaaka okua muena po mangua.

- Na shike? - osho kuku a pula.

- Na aamuajina ja Shitlangu oje li peni? Ha je li ouala koomina taa longele iimaliua, aana ja njamunkuetu mbo.... Oja mono nkeka aakiintu noje tu dimbua. Otaa li notaa nu etaa hokana, manga tse aakulukadi mboka tue ja eta muujuni tui ididimikila uudigu auhe notua dinika. Omolua shike oombiga dino di li mondjugo? Omolua shono mokombica omu na iinima ojindji. Uuhua noombuku ohadi jonagulile mo iinima. Nondunda oja lika. Shaa tuu kua pepe ombepo lumue otaji tu guile. -

- Shoka oshili, mboka ouo uudigu uetu. Aanona ohaa tu cigi po notaje tu dimbua. Ohaa njola luotango nolutijali - - - - na opuu. Ou li mondjila Matunjana, hoka ka valua konima jokuza po komumuandjemati omukuluntu oke shi kupopja nokuli nohaka tutula uudano mboka ka longua ku jina. Je he ihaa galuka. Otua hala a galuke. Nomumuandjemati omutijali? Okua njolelele ndje nalenale manga opo a ningi ko oomuedi ndatu. Na jalua je tu etele ishewe ombapila jimue ja zi kuje nekumbjaca ljuutalala uokufu. Oh, nale okua li ha jaalele ndje omolu uugolo uandje. Ihe ngashingeji ekumbjaca lja kulupa nokuli,

Oshimpuiju shaakulukadi mbaka jaali oshe ehameke ndje. Onda tala kuku nonda ti:

Ngame itandi ke ku ciga po nando kuku.

OMAPULO OMOLWA SHITLANGU.

Aaleshi oyendji oye tu pula omapulo omolwa "Shitlangu", ehokololo ndyoka hali tsikilwa moshifo kehe. Omapulo gamwe ogo ngaka: "Omolwa shike ehokololo ndyoka inali pwa nokuli?" - "Ehokololo ndyoka otali kwatha shike?" - "Omolwa shike tu nokuleshithwa oongano dhowala?"

Ngashingeyi otwa hala, tu ete omayamukulo gamwe.

Tangotango, "Shitlangu" kashi shi oongano dhowala. "Shitlangu" opo e li. Oye tuu ngoka a nyola ehokololo ndyoka: Eduardo Mondhlani. Oye omulumentu omuluudhe gwoku Mosambiek, evi ndiyaka lyokuuzilo wa Afrika hali pangelwa kaaputu. Oye okwa valelwa muupagani, nomo a putukile wo, sigo okwa tameke okuya koskola noku uuvu oohapu dha Kalunga. Odho dha lundulua okukala kwe akuhe. Oye okwa shashwa nokwa tsikile ooskola dhe, sigo okwa ningi omulongi nomuwiliki gwiigongi yaagundjuka. Oye pamwe nomuhongi omutiligane De Clerq oya nyola ehokololo lyokukalamwenyo kwa Shitlangu - Eduardo.

Ano "Shitlangu" otali hekolola ondjila yomumati omuluudhe, nkene ota zi muupagani we nota taamba ukriste. Ehokololo lya tya ngaaka, ndi shi, otali tu longo oshindji, ngashi aagundjuka ya tya ngaaka otaa monika wo oyendji mokati ketu.

Aaleshi naa idhiginine ano okulesha ehokolo ndika noku li dhidhimikila sigo pehulilo. Olyo kali shi oshinima showaia. Olyo embo enene nokuli tamu li pewa ngaaka omagano pamwe noshifo shOMUKUETU.

Aalongekidhi yOMUKUETU otaa pandula wo omulongi Hosea Namupala, shkwa taamba oshilonga oshinene shokulu ndulula ehokololo ndika note shi ningi nuukulungu.

"OMUKUETU."

Ekapiteli 13.

Ecigacano.

(Omolu okukalamuenjo nkoka kua li taku pe kehe gumue ecimbo ljo opala. Mutetu okua ningi omunenentu.

Sho shene osha jela kutja omunegro nando ke na uunongo uatiligane ota vulu okuuva omadiladilo gombinga jilonga noshombinga ndjoka juujamba neguano.)

Esiku lja landula otua ji kuulicilo ku Njaurongole. Otse na Majeriman otue ende nuupenda. Epopicacano ndjoka tua popicacana noojakueta olja li li na eimemeho enene, tali ulike kutja - otse tu li po. -

Oshikumica osho shi: Hosan na Shizilo (ooforomana) kaje po.

- Aloo, aaua juusita oje li peni? -

- Inashi pitikua okuholola iiholekua jaakuluntu. -

Tashi ti aakuluntu oje na po iiholekua? Oje na pamue sho ja ka konga nenge ja ka jaka sha? Oje na mbela mpo ja gongala naakadona? Oja ji pamue naamati aanene mbo taa ka gonda akadana jauo? Osho ngeji ondumba jomapulo oji itumbu momuenjo guandje.

Onda diladila ngiika oje li kooaha domagumbo, ja pameka omatati gauo notaa langele aakulukadi ja ze mo ja je komapja opo jo ja ka jake oondjuhua noje ete kutse. Nonando kombinga jimue haa li ouala jo jene.

Tadi tsikilua.

OMUMVO GWONGERKI.

Sho tatu yalula omimvo, ohatu tameke omumvo kehe mesiku lyotango lya Januarie notatu gu hulitha esiku etimailongo ndatu nolyotango lya Desember. Omukalo ngoka ogu uuvathanwa owala kaantu; kagu nekota lyagwo muunshitwe. Omathimbo gopanshitwe, ngashi othinge nokufu nokwenye, ihaga tameke esiku lyontumba lya tseyika naale. Noshou wo omwedhi gwogwene gwokegulu ihagu vulika koomwedhi dhetu dhomoondjalulamasiku.

Egongalo lya Kalunga, ongerki ya Kristus, oli na ishewe omimvo dhalyo. Omumvo gwongerki otagu holoka melandulathano lyomatango omanene nomootekiste ndhoka dhu uthilwa oosondaha dhomumvo.

Omumvo gwongerki otagu tameke oosondaha yotango ya Adventi. Osondaha ndjoka oyi li pehulilo lya November nenge petameko lya Desember. Oshitya shika "Adventi" otashi ti "eyo". Metegelelo lya Kristmesa egongalo alihe lya Kristus olya hala okuilongekidhila eyo lye. Etegelelo ndjoka oli nenyanyu, ngashi tali holoka mondjimbo yetu "Hosianna". Kombinga yimwe ishewe ou nokuindila Mbepo Muyapuki, oye a kombe mo moomwenyo dhetu iyagaya yuulunde, tu wape okutaamba Omuwa, nge te ya. Oosondaha dha Adventi odhi li ne.

Etango lya Kristmesa olyo oshituthi shenyanyu enene lyokunyanyukilwa okuvalwa kwOmukulili. Omuna gwa Kalunga okwa valwa okahanona nokwa kala moluhepo nduka tu lu na, opo e tu fale muuyamba we waaluhe. Esiku etiyaali lya Kristmesa otatu dhimbulukithwa aahokololambinzi. Edhina ewanawa lya Yesu olyo ehuku lyomauvitho gomesiku lyomumvo omupe. Yesu okwe ya, a kale uuyeleele wuuyuni auhe. Esiku etihamano lya Januarie olyo esiku lyaapagani. Oosondaha ndhoka dha landula ko ohatu uuvu iilongankondo ya Yesu, moka mwa holoka esimano lye lyopakalunga.

Oosondaha ndhoka nge dha piti, aakriste otua tameke okuilongekidhila amatango omanene ga Passa: Ethimbo ndyoka lyeilongekidho ohali ithanwa ethimbo lyeidhiliko. Aakriste aakwaevangeli ihaa, idhili-like iikulya, ihe otaa ifupipike nokuhempulula oondjo dhawo notaa konakona oohapu tadhi tu hokololele, nkene Omuwa Yesu e tu hepekela. Mokudhiladhila okuhepekwa kwOmukulili omukriste kehe a hala okuidhilika uuwinyai auhe. Osondaha ya hugunina yomeidhiliko oyi ithanwa osondaha yiyaaale. Etitano lyoshiwike shoka olyo esiku lyoosa dhOmukulili. Omauvitho gesiku ndyoka otage tu hokololele okusa kwa Yesu komushigakano. Otatu uuvu, nkene twa kulilwa meso nomepangelo lya satana. Ombinzi ya Yesu ya tika, opo tse tu mone omwenyo.

"Yesu okwa yumuka!" Olyo elaka lyenyanyu hatu li uuvu osondaha ndjoka ya landula oosa dhOmukulili. Omatango ngoka geywmuko oge li po gaali, oshoka oshituthi shoka osho oshinene shili. Musho egongalo alihe hali nyanyukilwa esindano lya Yesu, oye sho kwa sindi eso nokwa teya oonkondo dhomutondadhi.

Ngashi oshituthi sheyumuko sha li sha tetekelewa kiiwike ihyaali pokati kasho noshituthi shetililo lya Mbepo Muyapuki. Ihe pokati mpoka, nge pwa piti omasiku 40 okuza keyumuko, ohatu yapula esiku etine lyoshiwike, tu dhimbulukwe elondo lyOmu-

OUNJUNI TAU TONGO SHIKE

Oiongalele jepapuduko mu Suomi.

Neudo meehani da Julie na Augustus omuevangeliste omuamerika edina laje Tommy Hicks okua talela po ovasuomi nokua ningila ko moilando imue oiongalele jepapudulo. Ovasuomi vahapu va ongala okupuulikina elaka olo omujenda e li peua ku Kalunga e li va popifife. Moiongalele aise mua kala ovañu okudja 8,000 fijo 12,000, ndele moingalele imue ovañu ova li ve fike po 20,000 nokuli.

Oshiongalele shinene shovakriste ovaevangeli mu Duisland.

Mu Augustus mu Duisland mua ningua omafikungerki ovakriste ovaevangeli vomedu olo. Ovanduishi vahapu va ongala moshivilo osho shavo. Melongelokalunga lokuhovelifa omua li mu novañu ve fike po 100,000, ndelene melongelokalunga lokuhulifa omua li mu novañu ve fike po 500,000.

Mboli medu lovanduishi omu novañu vahapu ve hoole natango eendjovo da Kalunga.

Moshiongalele eshi omua li jo ovaenda 3,000 ava va dile koilongo, nomua li jo ovasuomi vatatu ovatumua vongerki oñgualutheri jomu Suomi.

Ovanjasha vomu Sweden ve hoole eongalo lavo.

Mu Sweden omu novanjasha ve dule 180,000, ovo ve nekuatafano liua neongalo nove hoole okuholoka moiongalele javo jeongalo no mongerki jo "U he nomona ku noilja, u he nomutanda ku na ngobe". Osho ngaha ongerkiinja ja mona olupuna muhapu.

Nigeria shi li pokuninga oñele jomahomatelo ovamuhamedi.

Paife pua pita eedula 100, ongerki jotete jovakriste eshi va tungilua mu Ibaba. Mefimbo linja mu Nigeria kamua li omuhamedi nande umue, ndele paife ovamuhamedi ve li mo ve fike po 200,000, no-

muvalu uavo otatu tane alushe. Nigeria shi li pokuninga oñele jomahomatelo ovamuhamedi.

Ngashi shi li mu Nigeria osho jo moilongo ihapu jovalaule. Oumuhamedi tau mono oñito okutandavela neeñgono. Oshike ñgeno tashi shilile ovalaule moumuhamedi? Enjamukulo limue oleli: Oumuhamedi ouo eitavelo tali upalele omuñu upashitue, no la fa tali upalele unene omulaule, osheshi itali kondjifa "ombada" (ohombo jovakulukadi vahapu) neeñgedi dimue jo domoupaani. Oluhepo lunene lua Afrika letu oli li apa, ovañu vahapu eshi va taambula eitavelo itali va jambula nde itali va hupifa nande.

"Lubwa".

Omukaiñu umue umu Nord-Rodesia okua tota eitavelo lipe momukunda Lubwa. Ota ti, okua njumuka koufi, n'Estamenti Lipe li he noshilonga vali, efimbo lalo la pua po. Ota ti, Kalunga kovalaula okuliili, no ta kelele ovañu okuja keeskola domatumo no keengerki jo. Ovañu ovo va shikula omualikadi ou ove li po ve fike po 2,600. Osho omapukifo tae uja ngaha.

Ovafitaongalo ve fike pejuvi limue moilonga idjuu.

Mounjuni uopaife jo ovakriste hava hepekua molu oukriste uavo. Otua kundana nale ñumbi moilongo imue jovakatoli voparoma ngashi mu Spanye nomu Kolumbia ovaevangeli tava monifua oihuna. Ndelene moilongo ojo jo ja nangalua kovakommuniste omu noudujuu. Ha unene ovakriste aveshe tava hepekua, ndelene ovaulikingerki novajakuli vomaongalo tava tulua momaudjuu eliili na eliili, opo va hamone vali oñito jokutuikila oshilonga. Ngashi mu Tsekkoslovakia paife mu novafitaongalo ve fike pejuvi limue va kuatua nova tualua keekamba oko tava longifua oilonga iliili na iliili idjuulela, itava mono etulumuko noikulja ja uana nande.

Tu kaleni hatu dimbulukua ovakriste ovakuetu ovo ve li momahepeko nomomaudjuu a tja ngaha, opo va peue eeñgono defindano k'Omuene Jesus Kristus.

OMUPISOFI

OKWA YAPULWA MEHOLAMO.

Moshilongo sha Spanye aevangeli otaa monithwa uudhigu owindji kaakatoli mboka taa pangele oshilongo. Oseminari yuusita yongerki onkwaevangeli oya patwa. Okunyanyangigha nokulanditha Ocmimbeli otaku kondjithwa. Aevangeli otaa thiminikwa, yi inyongamene komafano omayapuki gaakatoli.

Pomathimbo gongashingeyi ongerki onkwaevangeli yomu Spanye oya pumbwa omupisofi. Oya hogolola omuntu ngoka ooopalele oshilonga shoka noya ithana aapisofi yokiilongo, ye ye mu yapulile muupisofi we. Okwe ya aapisofi yaali yoku Amerika na gumwe gwoku Engeland. Ihe kakwa li ku noshituthi oshinene shi naantu oyendji, omolwuumbanda wokutula aakatoli. Eyapulo olya ningwa konima yomiyelo dha patwa, ano omeholamo.

Nando ongeyi, aakatoli yoku Spanye oya yelutha ewi enene okukondjitha omupisofi ngoka omupe. Okwa tiwa, aevangeli itaa simaneke ompango yoshilongo. Eyapulo lyomupisofi olya popiwa, olya aniwa 'esheko lyeitaalo.'

Tu galikaneneni aamwameme mboka taa kambadhala okudhiginina eitaalo lyawo muudhigu u thike mpoka!

OMUHONGI UMUE UOMOVAHONGI OVADUISHI VOTETE MOUKUANJAMA A HULIFILA MU KAPA.

OmuHongi Hanefeld ueedula 89 okua hulifa ouenda uaje 17. 9. 56.

OmuHongi ou okue uja mOukuanjama 1899 nokua longa shihapu movañu.

Eshi e tu hauluka ngaha, okua fija po omukulukadi uaje nomona uaje umue.

Kalunga na hambelelue eshi e tu pele omutumua ou a longa mokati kovakuanjama.

kulili, oye sho kwa londo a yi megulu.

Etango lyetililo lya Mbepo Muyapuki oyo oshituthi shedhiko lyegongalo eyapuki. Egongalo ndyoka itali sindwa nokomiyeele dhoheli. Kalunga katatugumwe ote li gamene ncte li yelitha note li dhiginine. Osondaha ya landula etililo lya Mbepo Muyapuki ohali ithanwa esiku lyUukwatatu Uuyapuki. Esiku ndjoka oyo oshituthi shoshipe mongerki yetu yokOwambokavango.

Ethimbo alihe okuza koAdventi sigo esiku lyUukwatatu oyo uudha iituthi iine. Oyo lya fa othinge ombwanawa yi nomvula oyindji. Okufu otaku tamake ihe konima yesiku lyUukwatatu. Otaku landula liiwiki oyindji yaa na iituthi yopangerki. Shila oku nomasiku gehambelelo nogetedhululo noegalikano, nesiku etimugoyi lya Julie oyo oshituthi shetumo. Osondaha ndhoka dhaa noshituthi aantu taa pewa eha okukonakona shili koombinga noombinga oohapu dha Kalunga noku dhi Etsikilo kepanja 3.

OMAPULO NOMAYAMUKULO.

Ngashingeyi otwa hala tu tameke momUKUETU eyakulo epe. Shaa ngoka a hala okupula sha kombinga yoohapu dha Kalunga nenge melongo lyuukriste, ota vulu okutumina OMUKUETU omapulo ge. Ngele tage ya ogendji, aanashimpwiyu yOMUKUETU otaa hogolola mo ngoka taga yamukulwa. Otapu longithwa aayamukuli yi ili noyi ili, aahongi naasitago ngalo.

Epulo lyotango otali yamukulwa mpaka.

Epulo: Ehololo 20:1-6. Kristus sho ta ka lela pamwe naayapuki ye kombanda yevi oomvula dheyuvi limwe, ethimbo ndjoka aalunde naakaanakonashanakalunga otaa ka kala mumwe naayapuki? Oshoka omo-

Iwuulunde wawo ya li ya thigwa kombanda yevi no inaa mona efegulo, ngashika wo naasi mbeyaka ya li inaa mona eyumuko lyotango.

Eyamukulo: Oshilongo shoka shoovvula dheyuvi limwe otashi holola uuyuki wa Kalunga nombili ye kombanda yevi. Kristus naayapuki ye otaa pangele iigwana ayihe. Aakaanakonashanakalunga naapagani wo otaa pangelwa kuyo (Ehol. 2:26). Aalunde mboka itaa vulu okueta epiyagano lya sha moshilongo shoka, oshoka omupiyagani omunene satana okwa mangwa shili. Ope nelelo lyuuyuki wa yela. Otaku dhiladhilwa, oyendji otaa itedhulula nokuli pethimbo ndyoka.

Aasi mboka ya li inaa mona eyumuko lyotango (Ehol. 20:5-6), pethimbo ndyoka lyoomvula dheyuvi oye li natango moombila dhawo. Oyo otaa yumukile epangulo lya hugunina (Ehol. 20:12).

E.J.P.

AALESHI TAA NJOLA

OIKAKO INE.

EKAMBADHALO LYOKUKWATHA OMAPYA.

1. Halo fiku tai mene...

Mokuloka kuodula oimeno halo fiku tai mene. Mokuudifilua eendjovo da Kalunga halo efiku ehupifo la tuakana. Ehupifo oli li konima jefatukilo. Nefatukilo nge nge la piti, otaku holoka, kutja ova omuenda kombada jedu. Nokonima jokudimbulukua ouenda uoje momuenjo uoje tamu fatukilua koshili jehanganifo. Ohaluka Mepo uOmuene te ku tomenene pamue nOmbibeli. Ohole tai kulu jokuholo Jesus. Eitavelo tai hapupala. Ohole tai ku mangele meduliko la Jesus.

Eembedi itadi ku holokele pehovelu. Ohadi kala komesho jenjono. Nge ua njonu, opo to hovele okulivela eembedi. Omutui ueemata iha dulu okuitavela moipafi jomulombueli uaje. Shama tuu omulombueli uaje a kufua po, opo okaana komuenjo uaje take mu pe oushima.

Omatimba itae ku holokele, manga ino tala mokatengelelo keemango odo da Kalunga. Elidilululo itali ku holokele, nge ino fatukilua kohole jefilonjenda ei ja jalua komushiakano mohonde jehanganifo jeudaneko la Kalunga. Eitavelo itali ku holokele, manga ino fatukilua koshili jekulilo lOmuene Jesus.

Omunanjalo ita dulu okulivela eembedi, fimbo ina fika ketejo laje. Hano omuñu ita dulu okulivela eembedi, fimbo efjo inali mu holokela. Shama tuu efjo le uja, opo hatu hovele okulivela eembedi.

2. Oikako ine.

Eliudo lOmushiti uoje nge tali ku lele noku ku pangela, ou noku mu indila noku mu fimaneka nehamelelo. Otamu ku dile oikako ine:

- eitavelo nelijandjo, eeñgono dalo oshitomo shaMepo Mujapuki;
- eduliko nelihupipiko, eeñgono dalo oJesus nevangeli laje;
- ohole nelinekelo, eeñgono dalo oKalunga;
- ouidiinini nelididimiko, eeñgono dalo eteelelo.

3. Omunandunge nomuprofeti.

Omunandunge oha dalua ñge a dja medimo la ina nde ta i a ka longe eendunge. Omuprofeti oha dalua ñge a dja medimo la ina nde ta i a ka udife eshi te shi peua kuMepo. Opo ne aveshe vavali ve lilonge oilongua. Omunandunge oha kufa moikulunima jounjuni ei li momahokololo onaale. Omuprofeti ota peua kuMepo oipe oje jokomesho oje tai ka ningua mounjuni uokomesho ei i he uetike. Opo ne vo aveshe vavali, shaashi vo aveshe ove uete sha. Ohaluka ve litonda, keshe umue te likalele mondjila laje.

4. Oluhodi nehafo.

Omafiku etu oo omahupi, nouua uonjuni ohatu u hauluka. Ondjila to ende najo omo mua ende osheendo sheendjola sha li tashi i koshivilo. Ava tava ende mounjuni ou va njika oluhodi molua Jesus. Komesho omakanja avo otaa ka jandja oindjola, shaashi ve li mondjila jefimano. Ouua uonjuni ou ova haulukua ku vakueni vahapu. Konima jomido 80 ondjila jedu tue i dimbua. Meulu omu na oshivilo shovaengeli novajapuki, tava lilile ava ihava dulika kehalo lOmushiti, eshi tava ekeluashi. Meulu omu na ehamelelo loluimbo lovaengeli novajapuki tava imbi ekandanga moluomuvalekua uOmuene Jesus, eshi a kondja a findana momamakelo omahongaulo.

Elia Nañgambe, Swakopmund.

Otse atuhe aawambo tatu kambadhala okulonga omapya getu, ngashi tatu vulu. Otatu longo nga, ihe otu na ondjo yeve. Oonkondo adhihe niikulya ya li mo oya longithwa mo kiimeno, mbyoka ya mene mepya. Aluhe tatu yugu epya, oshoka ihatu tula mo uuhoho. Eeno, ngiika to ti: „Ki na iimuna.“ Osho lela nga, ihe ope na ekwatho limue, tali vulu li tu kwathe, mboka twaa na iimuna. Aluhe mepya ohamu kala iihenguti oyindji, ihe aluhe oto fike ashike. Andola u kale ho gongele iihenguti mbika mepya ondumba, noho shi ningi oomvul noomvula, ando oto mono, iihenguti tayi kulupa notayi olo. Ngele to yi tutile ihe mepya, oto vulu okudhimbulula, mpoka wa tula iinyakwi yihenguti, opo pu ili, pu vule mpoka inapu tulwa sha. Kambadhala ano!

Okutse mboka tu na iimuna, otu na uuhoho wa gwana lela, ihe natango otatu vulu, tu u indjipalithe, u ninge owindji shili. Ongini mbela? Tala tate, kuku gwandje, ino fika iihenguti. Yi gongela. Pothi nge, moshigunda sho mu na ondoya, oto yi tula mo, iimuna etayi yi lyatagula mumwe nondoya. Nena uuhoho otatu ningi owindji. Noshu iiyagaya yomegumbo yi tula wo moshigunda; ino yi fika.

Onatango ope na uuposi u li mutse aawambo: Uuhoho owindji lela, ihe omuntu ota tameke okututa mo moshigunda pehulilo Iya Augustus, ano pethimbo lyomutenya omunene. Onkene ano oonkondo adhihe otadhi kuthwa mo komutenya. Ano sho tau ka longelwa mevi, oonkondo adhihe dha li dhi na okupalutha iimeno, odha kuthwa mo ketango. Ano uuhoho natu u ndumbile ondumba onene. Opo ihe tatu u halakanitha mepya, omvula sho yi li pokuloka. Nena otatu vulu ihe okupalutha iimeno.

Tu kambadhali okukwatha omapya getu, opo twaa kale moluhepo.

Jeremia Nashandi.

OU LI TUU MONDJILA JEHUPICO?

Aagundjuka jongashingeji ja vuka unene mokulalakanena mbjoka juujuni shi vule okulalakanena uujuuki. Aagundjuka aakadona oja ningi aamati ookuume kauo; naamati osho uo. Nena ou li ihe mondjila jini omugundjuka omukuetu? Ondjila ndjoka ho ende najo hajo ondjila jehupico. M'Estamenti itatu lombuelua tu endeni ondjila jopanama, aue, ojomeitaalo. Ngele ito ende ondjila jomeitaalo, ino uka kehupico, aue, okekano ljaaluhe. Mpaka otatu ihilile ondjahi ja Kalunga ngele itatu lundulula oondjenda detu. Ngashi taku tiua: „Aanelago omboka haa ende jaa noshiponga, omboka haa landula ompango jOmuua. Aanelago omboka haa diginine omahokololo ge no haje mu kongo nomuenjo aguhe, jo ihaa longo shono kashi ukile nohaa ende noma-pola ge.“ „Omugundjuka oto opaleke ngiini ondjila je ji kale ja jela? Ongele ti iuca koohapu doje.“ Ps. 119:9.

Ano ngele tua hala tu kale aamati naakadona jOmuua, tu eceni ajihe mbika. Tse tu igandjeni momake gomunankondo ngoka a sindi uujuuni, oje ngoka e tu sindile uo.

Tomas Tuutaleni.

IITUCI OJI ILI NOJI ILI.

Pamue ua shashua nokuli omukuluntu noua tala nomeho goje aantu ngele taje ku halele omajambeko ogendji. Ngoje ngoka ua shashelua peke, ua mono nkene aantu taa njanjukua meshasho ljomunona noku mu halela ejambeko. Mekoleko ljoje ua njanjukilua omajambeko ngaka. Jamue ja peua isheue oshituci shehokano, omoka uo ja halelua omajambeko ogendji. U shi omutondi okua njanjukilua omajambeko ue ga mono miituci mbika? Sho a mono ajihe ue ji dane, ote ku koceke uaa dimbulule oshituci shi li komeho natango sheso, opo uaa ka mone elago moshituci shoka. Omugundjuka, aajenda joshituci shoje sha hugunina otaa ka kala tuu ja tsuaa omukumo nenge taje ku lili ua si sigo aluhe? Oonkondo dokusindana oto di mono pomushigakano gua Jesus omombinzi jOmukulili guoje. Okujakulua ku Jesus oku nelago.

Jonas Iijambo Angala.

VADINKANTU, PAHUKENI!

Purakena mudinkantu, udano woge una ninki ugova. Nyone muna tupama metata lyononzo. Dogoro ezuvake to patunuka mb mougova woge? Kulikunda komasiku kweni, mumati nomukadona, iko inke? Iko urunde shili. To uuyunga inke masiku? Meho getu vadinkantu gana ferere.

Pahukeni! Tareni, Tara keguru ta wiza ntantani nonzambi zendi kupa kenye gumwe, si sike poirugana yendi. Tava ka ku pa inke? Inke ono mu ruganene? Inke ono mu retere? Nanee, nanee, mumati ove! Nanee, udigu, mukadona ove! Resa Ehol. 22:10-15. Dimbarusumo 464 na hena 465.

Vadinkantu, pahukeni! Tundeni mo mokugwira. Sigeni mafuruko gougova. Tamu pi jo sili. Kapi ono hara mo? Muswamane, pahukira embo lyoge. Mukurukadi, pahukira ruvaro roge, unene vana woge vakadona novamati. Pisura. Ronga. Kotoka, mumati, to ka pya noumati woge konsingo.

R. K. Shikondomboro, Abenab.